

SJB Lukavac
Broj: 20-11/02-230-
Lukavac, 21.02.1996. god.

Z A P I S N I K

Gradjanin Salčinović Sadik, sin Alije i majke Remze rodjene Krdžić, rođen 01.11.1965. godine u Srebrenici, opština Srebrenica, gdje bio stalno nastanjen u selu Posmulić, opština Srebrenica, privremeno nastanjen u D. Dobošnici, opština Lukavac, po zanimanju konobar, nezaposlen, oženjen, otac dvoje djece, Musliman, državljanin RBiH, vojnu obavezu regulisao, pripadnik ARBiH, JMB 0111965183139, je dana 16.02.1996. godine, povodom lišavanja slobode i boravka u agresorskim zatvorima, a dao ovlašćenom službenom licu sledeću:

I Z J A V U

"Početak rata me zadesio u Srebrenici tj. u mjestu življjenja sa porodicom, gdje smo boravili sve do pada Srebrenice.

Po padu Srebrenice, ja sam zajedno sa narodom i vojskom krenuo preko šume u namjeri da se probijemo do Tuzle. Supruga i djeca su otišli u Fotočare i konvojem su prebačeni za Tuzluž.

Dana 12.7.1995. godine, našli smo na četničku zasjedu gdje je bilo dosta mrtvih u pucnjavi a na jednom mjestu smo naišli na 6 mrtvih medju kojima sam poznao Sejdu Halilovića iz Dimnića, a pošto je samom bio i moj otac, on ga je zakopao a to je bilo između Buljima i Kamenice, bliže Buljimu. Odatle smo nastavili dalje put i samom je bio jedan Kadrija iz Močevića i još se skupila snama grupa od ukupno 8 ljudi, gdje smo došli na brdo Siljković kod Kravice. Pošto smo tu ostali sami ja i Kadrija jer su ostali otišli na razne strane, mi smo pokušali preći asvalt, ali nismo mogli i tu smo prenoćili dvije noći, pokušavajući da predjemo ali nismo mogli. Cuo sam da četnici zovu po imenu Vahida Suljića da se preda. U toku noći sam cuo rad mašina, meni se čini da je utovarivač, a to je bilo u blizini hangara kod Kravice. Mi smo prenoćili u kući nedaleko od hangara i sutradan smo krenuli prema Konjević Polju u koje smo stigli kroz dva dana. Tu smo predanili i našli smo grupu od 5 ljudi pa smo pokušali da predjemo asvalt ali nismo mogli i krenuli smo prema Rahmićima a snama je u grupi bio i Selim Mustafić, koji je bio iz okolnih sela i prilično je poznavao teren. Tu smo bili dva dana pa smo se razdvojili u dvije grupe i moja grupa je prešla asvalt između Konjević Polja i Kravice, te smo došli na Udrič gdje smo našli veću grupu ljudi do 300 ljudi. Znam da je bio 8 avgust, kada sam se odatle vratio još sa trojicom ljudi nazad u blizinu naših kuća u mjestu Vaganj, gdje smo ostali sve do 18.10.1995. godine. Na tom lokalitetu smo se bili smeštili u kućama i u dvije grupe, te sam bio pošao do druge grupe naših ljudi kada me je u sumi zarobio Andrić Miodrag, kojeg sam ja poznavao, jer je moj školski drug, on me razoružao jer sam imao uz sebe pištolj, a sa njim je bio Petrović Sreten kao vodja grupe kao i Miloje Babić, moj komšija. Pošto sam video da su znali sve i imali su podatke, nisam se opirao, a Sreten je naredio svojima da nesmiju nikoga dirati ni maltretirati i tom prilikom oni su zarobili tu našu grupu od 7. Odatle su nas odveli u Bratunac gdje smo se zadržali kratko i tada smo pošli iz Bratunca, zavezali su nam oči pa smo kasnije otišli u Vlasenicu a uveče u Knežina Polje kod Sokoca, to se sve dogadjalo 18.10.1995. godine.

Salčinović Sadik

Tek 25.10.1995.godine, smo dovezeni u KFD Foča. Dok smo boravili u Knežini, od zarobljenih je bio maltretiran Ademović Sefik iz Posmulića kojeggsu na spratu te kuće gdje smo boravili neki vojnici tukli jer se čulo njegovo jaukanje. Ponovo su ga doveli u prostorije a zatim su pozvali Djozić Nezira i Mandžić Mevludina, oba iz Srebrenice, nakon čega su tražili zlato i marke te je Ademović Sefik i Halilović Emin dao zlato a uzeli su samo burmu i lančić od Halilovića Emina a ostalo su vratili. U KFD Foča smo ostali do razmjene 28.10.1996.godine a tek 06.10.1996.godine bili smo registrovani od strane MK CK i tri puta su nas prije toga krili. Boraveći u Foči, dva ipo mjeseca ja sam radio u rudniku Miljevića, ali nisam imao problema, nisu me tukli ni maltretirali

U vezi prednjeg nemam više šta izjaviti, izjava je glasno diktiraana i u formulaciji iste sam lično učestvovao te je prihvatom kao svoju što potvrđujem vlastoručnim potpisom".

IZJAVU DAO
Salčinović, Sadik
Salčinović Sadik

ZAPISNIČAR
Arapić Šejna
Arapić Šejna

OVLAŠTENO SLUBZENO LICE
Bajrić Jusuf
Bajrić Jusuf